

Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Obligationibus Specialibus Certorum Statuum, De
Sacramentis In Genere, Et In Specie, Et De Censuris Et Irregularitatibus

Antoine, Paul-Gabriel

Ingolstadii, MDXXXIV.

VD18 90392167

Q. 6. Quænam Contritio requiritur & sufficit ad justificationem in
Sacramento Pœnitentiæ?

urn:nbn:de:hbz:466:1-41032

Q. 5. *Au ad remissionem venialium, etiam in justo, requiritur aliqua pœnitentia seu displicentia, ac retractatio vel formalis, vel saltem virtualis?*

Resp. Aff. Ita commun. cum S. Thom. 3. p. q. 87. a. 1. Prob. 1. ex Script. quæ afferit indistinctè & generaliter Contritionem esse necessariam ad remissionem peccatorum. 2. Ex S. Aug. Epist. 48. *Nec quemquam putas à quocumque seu magno seu parvo peccato ad correctionem sine Pœnitentiâ posse transire.* & Serm. I. in Psal. 58. *Iniquitas omnis parva magnauit, puniatur necesse est, aut ab ipso hominē penitente, aut à Deo vindicante: nam & quem punit, punit seipsum ... Non potest impunitum relinqui peccatum.* 3. Sapientiæ & iustitiæ divina planè convenit, ut omnis Dei offensa propriæ voluntate admissa sine retractatione ac displicentiâ saltem virtuali non remittatur. Ergo rectè creditur Deus, qui connaturalem rerum exigentiam ac convenientiam semper servat, statuisse ut peccata etiam venialia non condonarentur sine aliqua eorum pœnitentia saltem virtuali: quæ consistit in actu supernaturali virtutis alicujus, vi cuius displiceret illud peccatum si memorię occurreret.

Q. 6. *Quenam Contritio requiritur & sufficit ad justificationem in Sacramento Pœnitentiæ?*

Resp. I. Ad valorem & effectum Sacramenti requiritur contritio formalis, interna, superna.

pernaturalis, universalis respectu mortalium, efficax & appretiativè summa. Itaque debet esse. 1. Formalis, qualis generatim descripta est, nempe quæ sit animi dolor ac detestatio formalis de peccatis commissis cum proposito non peccandi de cætero, ex Trid. sess. 14. cap. 4. nam Contritio est pars necessaria Sacramenti, ex can. 4. Item saltem in praxi requiritur, præter dolorem, etiam propositum formale & expressum; nam non est certum sufficere virtuale: imò Florentinum explicando Contritionem requisitam, expressè commemorat dolorem & propositum, & illa tanquam duo requirit. Et à Tridentino Contritio definitur, *Animi dolor ac detestatio de peccato commisso, cum proposito non peccandi de cætero.* At definitur per partes essentiales, alioqui dolor & detestatio non essent etiam partes essentiales: nam Concilium tam requirit simpliciter propositum, & particula *cum* significat conjunctionem, &c. Hinc non sufficit perfecta dilectio, quia non est Contritio formalis, sed solum virtualis.

2. Interna, ex Joel. 2. *Scindite corda vestra,* nam est animi dolor.

3. Supernaturalis, hoc est facta motivo supernaturali per auxilium gratiæ. Ex Trid. sess. 6. can. 3. *Siquis dixerit sine præveniente Spiritu Sancti inspiratione, atque ejus adjutorio, hominem credere, sperare, diligere, aut pœnitere posse sicut oportet, ut ei justificationis gratia conferatur*

tur, anathema sit. Et verò dispositio debet esse proportio nata formæ, & ejusdem ordinis cum illa: forma autem, nempe gratia sanctificans, est supernaturalis: ergo contritio, quæ est dispositio ad illam, debet quoque esse supernaturalis.

4. Universalis, ita ut dolor se extendat ad omnia mortalia admissa, & adsit propositum omnia omnino mortalia, in posterum vitandi, propter motivum omnibus etiam oblitis commune, ex Ezech. 18. Si impius egerit pœnitentiam ab omnibus peccatis suis quæ operatus est, & custodierit omnia præcepta mea, vita vivet: nam unum mortale non potest remitti sine omnibus aliis, cum per quodlibet avertamur à Deo, & nullum remittatur sine infusione gratiæ sanctificantis, quæ est incompossibilis cum omni mortali: ergo ut Contritio valeat ad remissionem mortalium, debet valere ad remissionem omnium. Non potest autem valere ad remissionem omnium mortalium, nisi virtualiter saltem & implicitè ad omnia se extendat, per rationem omnibus communem, ut patet. Hinc Conc. Gener. Later. 2. c. 22. ait: Falsam pœnitentiam esse constat, cum spretis pluribus, de uno solo pœnitentia agitur, aut cum sic agitur de uno ut non discedatur ab alio. Unde scriptum est, (qui totam legem observaverit, offendat autem in uno, factus est omnium reus) scilicet quantum ad vitam æternam: sicut enim si peccatis es-
tut

set omnibus involutus, ita si in uno tantum maneat, æternæ vite januam non intrabit, Sc.

5. Efficax & absoluta, ita ut excludat omnem affectum ad quodvis mortale, ex Trid. c. 4. & contineat propositum firmum servandi omnia mandata, & adhibendi omnia media ad fugam peccati, & mandatorum observationem necessaria, cujusmodi sunt destructio causarum peccati, fuga occasionis proximæ, cupiditatum ac sensuum mortificatio, oratio crebra, &c. nam Trident. sess. 14. c. 4. requirit propositum non peccandi de cætero, hoc est, nunquam peccandi, ideoque semper servandi omnia mandata saltem graviter obligantia. Præterea vera pœnitentia seu contritio est vera conversio cordis ad Deum: quæ non potest esse sine odio efficaci peccati, & amore efficaci justitiae, ex Trid. sess. 14. cap. 4. Declarat S. Synodus hanc Contritionem (necessariam quovis tempore ad impetrandum veniam peccatorum) non solum cessationem à peccato, & vitæ novæ propositum, & inchoationem, sed veteris etiam odium continere, juxta illud Ezech. 18. projicite à vobis omnes iniquitates vestras, in quibus prævaricati estis; & facite vobis cor novum & spiritum novum.

Ad efficaciam Contritionis pertinet etiam voluntas faciendi quidquid Deus requirit ad destructionem peccati, nempe confitendi, satisfaciendi, &c.

6. Appretiativè summa, ita ut homo oderit ac de-

ac detestetur peccatum supra omnia alia mala, sítque paratus omni bono carere, & quodvis malum pati, potiusquām peccare mortaliiter, & Dei amicitiam rebus omnibus præferat. Nam Contritio necessaria ad justificationem est conversio ad Deum ex toto corde, totalitate appretiationis juxta illud Joél. 2.
Convertimini ad me in toto corde vestro. & Deut. 4.
Cum quæsieris Dominum Deum tuum, invenies eum; si tamen toto corde quæsieris, *& totâ tribulatione animæ.* Enimverò sicut Deus est summum bonum, ideoque suprà omnia diligendus: ita peccatum, quod est Dei offensa, & ejus amicitia ac possessione privat hominem, est summum malum, ideoque summè detestandum ac vitandum.

7. Ut sit cum spe veniæ conjuncta vide Trid. Porrò Contritio debet esse talis reipsâ, & non solum opinione: nam ex Trid. sess. 14.^{c.} 3. & can. 4. est pars Sacramenti Pœnitentia. At pars Sacramenti realis & veri, debet esse vera & realis, & non tantum existimata; nostra enim existimatio nihil ponit in re: cum ergo res esse nequeat sine omnibus suis partibus essentialibus veris, nec etiam Pœnitentia Sacramentum potest esse sine aliqua Contritione vera, qualis à Deo requiritur.

Resp. II. Ad justificationem in Sacramento Pœnitentia obtinendam requiritur insuper, ut talis Contritio includat aliquem Dei amorem; non tamen qui extra Sacramentum justificet.

Prob.

Prob. 1. ex Trid sess. 6. c. 6. ubi agens de
dis ositionibus ad justificationem in Baptismo
requisitis sic ait: *Illumque tanquam omnis justi-
tiae fontem diligere incipiunt; ac propterea mo-
ventur adversus peccata per odium aliquod & de-
testationem, hoc est, per eam Pœnitentiam, quam
ante Baptismum agi oportet.* Quantò magis
talis amor requiritur in Sacramento Pœnitentia,
quæ ex Trid. est laboriosus Baptismus. 2.
Auctoritate Cleri Gallicani an. 1700. ita do-
centis: *Et quidem de dilectione Dei, sicut ad Sa-
cramentum Baptismi in Adultis, ita ad Sacra-
mentum Pœnitentie quæ est laboriosus Baptismus,
requisita, ne necessariam Doctrinam omittamus,
hæc duo imprimis ex 3. Synodo Tridentina, mo-
nenda & docenda esse duximus.* Primum, ne quis
putet in utróque Sacramento requiri ut præviam
Contritionem eam, quæ sit charitate perfecta, &
quæ cum voto Sacramenti, antequam actu suscipia-
tur, hominem Deo reconciliat. Alterum, ne quis
putet, in utróque Sacramento securum se esse, si
præter Fidei & Spei actus, non incipiat diligere
Deum tanquam omnis justitiae fontem. Neque
verò satis adimpleri potest utrique Sacramento
necessarium vitæ novæ inchoandæ, ac servandi
mandata divina propositum, si pœnitens primi &
maximi mandati, quo Deus toto corde diligitur,
nullam curam gerat; nec sit saltem animo ita pra-
parato, ut ad illud exequendum, divinâ opitulante
gratiâ, se se excitet ac provocet. 3. Quia ex
Script. Patribus, & Conc. Trid adjustificatio-
nem

nem omnem Adulti requiritur vera conversio ad Deum: at conversio vera ad Deum includit aliquem Dei amorem. Et ideo homo non potest ab inordinato amore creaturæ; inquit suum finem ultimum ponebat, converti ad Deum, nisi in Deo suum finem ultimum constituat, illumque magis quam omnes creaturem amet; ideoque suprà omnia amet, saltem ut suum summum bonum. 4. Dispositio ad reconciliationem in Sacramento requisita, debet esse medium huic obtainendæ accommodatum, quod non presupponat necessarium effectum Sacramenti. At talis est Attritio cum aliquo Dei amore appetitivè summo, qui non sit charitas perfecta, cum hæc sola reconciliat extra Sacramentum. 5. Ubi agitur de valore Sacramenti non licet sequi opinionem probabilem tantum, relictâ tutiore: at sententia afferens necessitatem amoris Dei non per se justificativi est saltem tutior, ut patet; & negans non est certa, ut constatum ex dictis; tum quia Alex. VII. à quæ vetuit utramque censurâ notari, impugnaturque à multis. Ergo in praxi non licet opinionem negantem sequi.

Resp. III. Contritio necessarium debet elicere ante absolutionem: alicuius qui absolutio, quæ est forma, non applicaretur materiæ essentiali, quæ sunt Contritio & Confessio, & sic Sacramentum nullum esse, & absolutio inanis; nam sine poenitentiâ non remittuntur peccata.

Imo

Imō monendi sunt Pœnitentes, ut Contritio-
nem Confessioni semper præmittant: tum
quia alioqui periculum esset, ne ante absolu-
tionem non eliceretur: tum quia secundūm
aliquos Confessio manare debet ex contritio-
ne, ut sit accusatio dolorosa, alias futura mera
peccatorum historia narratio, & ut reddat
Contritionem sensibilem. Unde monent
pœnitentem qui sine Contritione Confessus
fuisse, debere post Contritionem elicita dicere,
ego me accuso de peccatis declaratis, vel
confessario quærenti an non se iterum accuset
de peccatis illis, respondere, ita. nam ubi agi-
tur de Sacramentorum valore tenemur sequi
partem tutiorem, quamvis esset minus proba-
bilis. Ob hanc rationem in praxi elici debet
contritio ex intentione Confessionis, vel ab-
solutionis; & qui nihil cogitans de Confessio-
ne Contritionem elicuit, debet aliam denuo
elicere; quia hoc est tutius, & probabile est
id requiri, ut aliqui docent: tum quia pars
debet referri ad comparatem, & illi moraliter
uniti, ut totum cum illa constituat: tum quia
Contritio sine relatione ad Sactamentum non
esset actio Sacramentalis. Et quamvis forte
contrarium, quod docet Delugo, esset pro-
babilius, tamen non est omnino certum.

Not. In praxi requiritur nova Contritio;
quoties datur nova absolutio: quia opposi-
tum non est omnino certum, & nova forma
exigit novam materiam proximam. Quare

Tom. III,

X

si quis

si quis statim post absolutionem recordans mortale, illud addat, debet ante novam absolutionem renovare Contritionem.

Resp. IV. Attritio concepta ex metu gehennæ includens amorem Dei appretiativè summum, et si non perfectum, cum spe venia sufficit absolute ad justificationem in Sacramento impetrandam, si habeat alias conditiones suprà requisitas.

Prob. Quia non requiritur Contritio charitate perfecta, quæ semper justificat extra Sacramentum: nam si requireretur, Sacramentum Pœnitentiæ in re suscepsum nunquam peccatores reconciliaret; imò nec reconciliare posset, sed semper reconciliatos exigeret; cum contritio perfecta semper reconciliet. At absurdum est, quòd Sacramentum in re profidelibus Deo reconciliandis à Christo institutum, qualis est Pœnitentia, ex Trid. sess. 14. can. 1. nunquam reconciliare possit, sed semper exigat & supponat jam reconciliatos: nam absurdum est instituere medium ad aliquem finem obtinendum, quod semper necessariò presupponat jam consecutionem finis. Deinde Sacramentum pœnitentiæ non esset Sacramentum nisi vivorum.

Cæterum quoad primum pœnitentes semper adducendi sunt ad eliciendam contritionem perfectam: tum quia est Actus Deo gravior & pœnitenti utilior, & qui supplebit defectus qui possent esse ex parte Ministri, vel

sui,

sui, ut si non esset verè Baptizatus: tum quia
Actus Charitatis s̄epissime in vita ex præcepto
eliciendus est.

*Q. 7. An est mortale confiteri sola venialia
sine Contritione formalī & efficaci sal-
tem de aliquo?*

*Resp. Aff. Ita communē. Quia tunc redditur
forma nulla, & Sacramentum nullum ac sine
effectu, defectu materiæ essentialis. Contri-
tio enim vera & efficax est pars materialis &
essentialis Sacramenti. Est autem grave sa-
cilegium reddere voluntariè Sacramentum
nullum & sine effectu; & gravis irreverentia
facere, ut verba Christi ab eo instituta & ejus
nomine debitè prolata, qualia sunt verba for-
mæ, applicentur frustra & quasi irrisoriè. Non
est tamen mortale non habere Contritionem
de omnibus venialibus, quæ in Confessione
dicuntur, modò habeatur de aliquo: quia id
non est necesse ad valorem & affectum Sa-
cramenti, cum unum veniale possit remitti si-
ne alio, & gratia sanctificans possit subsisterè
cum venialibus. Nec tunc gravis irreveren-
tia infertur Sacramento, cum aliunde ponatur
materia valida; quamvis sit aliqua irreveren-
tia & mendacium confiteri aliquod veniale,
de quo non doleras; nam, ut ait Suarez, confi-
tens peccatum, hoc ipso exercitè dicit se do-
lere de eo, & velle ab eo absolvī.*